



Broj predmeta: 02-000049/20
Broj akta: 01.1-1141SM-227/20
Datum, 12.5.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 12. 5. 2020. godine, nakon održane telefonske sjednice Štaba komandant Štaba gradonačelnik Brčko distrikta BiH dana 12. 5. 2020. godine i z d a j e

N A R E D B U
O EPIDEMIOLOŠKIM PREPORUKAMA ZA
TRENINGE / PRIPREME UTAKMICA I SPORTSKO-REKREATIVNE AKTIVNOSTI NA OTVORENIM
SPORTSKIM OBJEKTIMA TOKOM EPIDEMIJE COVID-19

Član 1.

Ovom naredbom donose se epidemiološke preporuke koje se odnose na provođenje mjera prilikom sportsko-rekreativnih aktivnosti na otvorenim sportskim objektima tokom epidemije korona virusa (COVID-19) radi zaštite korisnika i zaposlenih u objektima te drugih saradnika.

Član 2.

Održavanje treninga, pripremnih utakmica i sportsko-rekreativnih aktivnosti dopušteno je svim sportistima i sportistkinjama te korisnicima sportsko-rekreativnih sadržaja na otvorenim sportskim objektima uz pridržavanje ovih preporuka i svih drugih važećih epidemioloških preporuka tokom trajanja mjera.

Član 3.

Organizacija treninga, pripremnih utakmica te sportsko-rekreativnih aktivnosti moguća je na otvorenim sportskim objektima na kojima su osigurani svi higijenski i sigurnosni uslovi propisani važećim preporukama tokom trajanja mjera, za šta su nadležne i odgovorna pravna lica koja upravljaju pojedinim sportskim objektom.

Član 4.

Na ulaznim prostorima svih jedinica prostora sportskih objekata, pultovima za obavljanje plaćanja usluga, radnom prostoru zaposlenika te na svakih 50 m² u prostoru za provođenje sportskih i sportsko-rekreativnih aktivnosti neophodno je postaviti dozatore sa dezinfekcionim sredstvom (na bazi alkohola u koncentraciji ne manjoj od 70% ili drugog sredstva prikladnog za korištenje na koži sa deklariranim virucidnim djelovanjem prema uputstvu proizvođača).

Član 5.

Preporučuje se postavljanje kante za otpatke s odgovarajućim poklopcem u zatvorenim i otvorenim jedinicama objekta.

Član 6.

- (1) Potrebno je osigurati dovoljnu distancu između osoblja na recepciji i korisnika te zaposlenih međusobno ili ako je moguće postaviti pregrade (od pleksiglasa ili sličnog materijala koji osiguravaju potrebnu distancu).
- (2) Reguliše se i ograničava maksimalan broj osoba u prostoru recepcije u skladu s mjerama fizičke udaljenosti od 1,5 metra.

Član 7.

- (1) Za svaki trening, pripremnu utakmicu i organizovanu sportsko-rekreativnu aktivnost uspostaviti sistem vođenja evidencije prisutnih osoba (podaci o treneru, instrukturu, voditelju, sportisti, korisniku, asistentu i eventualno ostalim uključenim osobama potrebnim za odvijanje aktivnosti te lokaciji provođenja aktivnosti) radi naknadnog lakšeg epidemiološkog praćenja kontakata u slučaju pojave zaraze virusom SARS-CoV-2.
- (2) Evidenciju voditi i za pojedinačne treninge sa trenerom za sve sportove.
- (3) Evidencija mora sadržati ime i prezime, telefonski broj te vrijeme dolaska i odlaska na teren odnosno trening.

Član 8.

Treninzi, pripremne utakmice odnosno sportsko-rekreativne aktivnosti smiju se održati samo u skladu s rasporedom i tačno onim sportistima/korisnicima i trenerima te uz prisustvo potrebnog tehničkog osoblja koje je navedeno u rasporedu.

Član 9.

Ako za treninge, pripremnu utakmicu i sportsko-rekreativne aktivnosti sportski objekat koristi više korisnika, prioriteti će se odrediti od strane korisnika zajedno s pravnim licem koje upravlja sportskim objektom.

Član 10.

- (1) U sportskom objektu moraju biti osigurani svi higijenski i sigurnosni uslovi tokom trajanja mjera za šta su nadležna i odgovorna pravna lica koja upravljaju sportskim objektom.
- (2) Preporuke za čišćenje i dezinfekciju odnose se na sve prostore objekata (ulazni prostor, recepcija, sanitarni čvorovi, svlačionice i prostori za tuširanje).
- (3) Sve unutrašnje prostorije potrebno je učestalo prozračivati.
- (4) Korištenje klima-uređaja i grijanja u zatvorenim prostorima je potrebno što više izbjegavati.
- (5) Radne površine koje se često dodiruju potrebno je što češće čistiti i dezinfikovati.
- (6) Zatvorene prostore sportskih objekata potrebno je za vrijeme obavezne pauze od sat vremena u sredini radnog vremena te na kraju radnog vremena temeljito dezinfikovati i što češće prozračivati, posebnu pažnju obratiti na prostore svlačionica i prostora za tuširanje te sanitarne čvorove.

Član 11.

- (1) Prije početka rada edukovati zaposlene o svim mjerama koje se provode.

- (2) Prije ili neposredno nakon ulaska, na vidljivom mjestu, neophodno je postaviti informaciju o higijenskim postupcima ili postaviti informacije sa smjericama o pravilnom ponašanju i mjerama zaštite.

Član 12.

- (1) Treneri, instruktori, voditelji i sportisti prije dolaska u objekat trebaju izmjeriti tjelesnu temperaturu.
- (2) Ako je tjelesna temperatura viša od 37,2 °C u jutarnjim satima, ako se osoba osjeća bolesno ili ima bilo koje znakove bolesti (odnosi se na sve simptome i znakove bolesti, ne samo na bolesti disajnih puteva), treba se telefonom javiti nadređenom i ne dolaziti na posao dok se telefonom ne javi nadležnom porodičnom ljekaru.

Član 13.

- (1) Tokom treninga, pripremnih utakmica, sportsko-rekreativnih aktivnosti preporučuje se držati razmak od 1,5 metara kao nužne udaljenosti za fizičku distancu.
- (2) Za treninge, utakmice, sportsko-rekreativne aktivnosti u kontaktnim i drugim sportovima gdje nije moguće održavati fizičku distancu između trenera/instruktor/voditelja i sportista/korisnika, preporučuje se da trening/aktivnost odrade uvijek iste osobe.

Član 14.

U slučaju potrebe za prisustvom zdravstvenog radnika tokom aktivnosti, pri bliskom kontaktu zdravstveni radnik mora koristiti odgovarajuću zaštitnu opremu, odnosno hiruršku masku kombinovanu s viziorom.

Član 15.

Nakon korištenja lopti, rekvizita i ostale opreme potrebne za trening/pripreme utakmice/sportsko-rekreativne aktivnosti sva se mora po završetku dezinfikovati.

Član 16.

- (1) Svakom sportisti/korisniku se preporučuje da ima vlastitu označenu bocu sa tečnosti kao i ostale potrepštine koje moraju biti u torbi označenoj imenom.
- (2) Boce za napitke i ostali otpad nastao tokom treninga/pripremnih utakmica/sportsko-rekreativnih aktivnosti odlaže se u za to predviđenu kantu za otpatke sa dvostrukom vrećicom i odgovarajućim poklopcem.

Član 17.

- (1) Nakon treninga/sportsko-rekreativnih aktivnosti sportisti/korisnici ne zadržavaju se u prostorima duže nego što je potrebno.
- (2) Boravak u svlačionicama i prostorima za tuširanje svesti na nužni minimum.

Član 18.

- (1) Ako je moguće, organizovati rad dvokratno, na način da između prve i druge smjene bude barem sat vremena razmaka, koji će se iskoristiti za čišćenje i dezinfekciju površina tokom rutinskog čišćenja.
- (2) Dolazak drugih osoba (majstora, kurira i drugih dostavljača) treba organizovati na način da se prije dolaska te osobe telefonski najave. Tada se provjerava ima li osoba simptome COVID-19 (povišena tjelesna temperatura, kašalj, otežano disanje/kratak dah, grlobolja, poremećaj osjeta njuha i okusa) i da li je imala kontakt s oboljelima.

Član 19.

Konsumacija hrane i pića u za to predviđenim dijelovima objekta provodi se prema preporukama za rad ugostiteljskih objekata.

Član 20.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Svim odjeljenjima Vlade (12x),
5. Sekretarijatu Vlade (3x),
6. Odjeljenju za zdravstvo i ostale usluge
– Pododjeljenju za javno zdravstvo,
7. Uredu za upravljanje javnom imovinom Brčko distrikta BiH,
8. Uredu gradonačelnika / Inspektorat,
9. Policiji Brčko distrikta BiH,
10. Članovima Štaba (34x),
11. Ministarstvu sigurnosti BiH, terenski centar Brčko
- Služba za rad sa strancima, Trg mladih br. 8,
12. Ministarstvu sigurnosti BiH – Granična policija BiH,
13. Institucijama Brčko distrikta BiH (8x),
14. Crvenom krstu/križu Brčko distrikta BiH,
15. Javnim preduzećima, fondovima i Zavodu (7x),
16. „Službenom glasniku Brčko distrikta BiH“,
17. Arhivi.

GRADONAČELNIK

Mr. sc. Siniša Milić